



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

Sermo Vnicus.

urn:nbn:de:hbz:466:1-39254

non habemus. Et quoniam hydriarum supra fecimus mentionem, quaeramus mensuras binas vel ternas, quas hydriæ capiebant. Nam & Christus triplicem nobis apponit aquam, & perfectus omnis qui fuerit in nobis sicut ipse, qui videlicet tres metretas habere potuerit. Propter hoc enim sub distinctione dicitur, binas vel ternas, ut duas ad minus constet necessarias esse, tertiam non ab omnibus exigendam.

*Triplices aquæ
Salvatoris :*
1. oculorum,
2. totius corporis.
3. lateris.
b. Luc. 22. c.
Sic & triplices
aque hominis.
1. Contritionis.
2. Mortificationis.

3. Sapientie.

*Prima abluit
conscientiam.*
2. restringit
concupiscentiam.
3. potat
animam.

*Cur maioribus
festis Ecclesia
premittat je-
lynia.*

*Opera pœniti-
tentie nos
preparant ad
festa dignius
celebranda.*

Acceperit igitur triplicem aquam, quam tibi Salvator apponit. Plorat super Lazarum & super civitatem Hierusalem, & haec est aqua prima. Sudavit imminente jam passionis hora, & haec est aqua secunda: non ab oculis tantum, sed à toto corpore manans. Haec autem rubea est, sanguineique coloris, sicut scriptum est; *Et factus est sudor eius sicut gutta sanguinis decurrentis in terram.* Jam verò tertia est aqua quam & prædiximus de latere eius unâ cum sanguine emanasse. Et tu ergo primam quidem habes, si rigas lachrymis tuis conscientiæ tuæ statum & dolore compunctionis præteriorum diluis maculas peccatorum. Secundam aquam habes, si in sudore vultus tui vesceris pane tuo: & labore poenitentiæ corpus tuum castigas, ac restringis concupiscentiæflammam. Est autem sanguinei coloris sive propter laborem, seu etiam propter ipsum quem extinguit concupiscentiæ ignem. Jam verò si proficere potes usque ad devotionis gratiam, potaberis aqua sapientiae salutaris, & spiritus Christi qui super mel dulcis est, fiet in te fons aquæ salientis in vitam æternam. Et memento hanc esse aquam, quæ procedit de latere dormientis, & sine omni molestia fluit. Oportet enim jam mortuum esse mundo, qui in haec voluerit gratia delectari. Ergo ut breviter repetam, prima quidem à præterioris delictis abluit conscientiam: secunda ut futura caveas, extinguit concupiscentiam: tertia si ad eam pervenire merueris, postat animam sicutientem.

S E R M O

In Vigilia Sancti Andreae Apostoli.

Sanctorum festa præcipua Patrum sanxit auctoritas votivis prævenientiis. Utiliter planè, & non ad insipientiam nobis, si adfuerit qui advertat. Multa siquidem quotidie peccata contrahimus, & in multis offendimus omnes: nec tutum omnino est celebrandas suscipere festivitates sacras, maximèque eas quæ maximæ sunt, nisi prius abstinentiæ purificatione præmissa, quo & digniores & capaciores inveniamur spiritualium gaudiorum. Sic enim justus in principio sermonis accusator est sui, nec nisi à propria reprehensione laudes incipit alienas. Quod si etiam justus trepidat sollicitus prævenire eum, qui ipsas quoque paratus est justitias judicare; quid agimus nos, quorum interim judicata non fuerint

fuerint & testa peccata? Timendum valde est ne forte manifesta inventantur præcedentia ad judicium. Si nec justus sine modestia & verecundia quadam ad Sanctorum præsumit accedere laudes: quantò magis peccator in cuius ore non est laus speciosa, timeat semper necesse est vocem illam^a: *Quare tu enarras justitias meas?* sive illam^b: *Amice, quoniam*^a *Psal. 49, c.* *modo hoc intrasti non habens vestem nuptialem?* Beati proinde qui stolam suam, dico autem gloriam conscientiæ suæ, solicii sunt omni tempore conservare immaculatam, semper splendidam exhibere. Sed quia pauci sunt qui sic omni custodia servent cor suum, pauciores autem (si tamen vel pauciores) qui in omni sanctimonia conservent illud, necesse est frequenti abstinentia maculas diluere subintrantes, præcipue cùm præcipua quælibet solemnitas advenerit celebranda.

Non modo tamen præparatio est ad proximam celebritatem obser-
vatio præmissa jejunii, est & admonitio quædam eruditio que non parva. Discimus ex hoc ipso, quænam vera sit via festivitatis æternæ. *Quid est enim quod jeuniis solennia prævenimus, nisi quod per multas tribulatio-*
nies oportet nos introire in regnum DEI? Indignus quippe solenni lætitia est, qui statutam vigilæ abstinentiam non observat. Planè, inquam, si renuis affligere animam tuam in vigilia, indignus jure censeris requie & exultatione festiva. Est autem universum præsentis pœnitentiæ tempus, *Vigilia festorum symboliæ* vigilia quædam solennitatis magni & æterni sabbati quod præstolamur. Nec causaberis vigiliam longiorē, si æternitatem festivitatis attendas. *Licet enim habere præparationem soleant solennia diurna diurnam: illa nis per quam est tribulatio-*
illius memoria felicitatis? Hoc enim nomine & sæpius & forte dignius nominatur illa festivitas. *Redeundum nobis est ad id quod præ-*
nibus est.

Hodierni itaque jejunii, & eius quam præstolamur solennitatis & lætitiae causa est beata passio Andreæ Apostoli. Dignum est enim, ut si cum eo pendere non possumus, cum eo vel jejunemus. Nam & ipsum cum biduo penderet in cruce, etiam jejunasse quis dubitet? Inveniamur ergo vel in exiguo communicantes passioni eius, et si non simul affixi patibulo, simul afflicti jejunio: ut miserante DEO etiam coronæ participes simus, & in præsenti quoque spiritualium socii gaudiorum. Quomodo enim non exultemus in memoria triumphi eitis, quem in ipsa sui præsentia supplicii tam vehementer novimus exultasse? An non erit læta festivitas, ubi & crux ipsa plena est gaudio? Siquidem & festivum solemus nominare quod lætum est, & crux à cruciatu utique dicitur, aut certe cruciatus à cruce. *Quanta proinde exultatione uni-*
versæ

*Miro deside-
rio B. An-
dreas anhelat
ad Crucem.*

versæ terræ celebrandum tantæ novitatis miraculum, tam magnificentum opus divinæ virtutis? Andreas homo erat similis nobis passibilis, & tam vehementi ardore spiritus crucem sicutiebat, tam inaudito à seculis gaudio tripudiabat cum paratum sibi animus patibulum conspexisset. *O crux* (inquit) *dju desiderata, & iam concupiscenti animo preparata, securus &*
+ Ex Histo- *gandens venio ad te, ita ut & tu exultans suscipias me.* + Videtis quia non
ria per Pres- *se capit præ magnitudine gaudii?* *Ita* (inquit) *ut & tu exultans.* Ergone
byteros A- *tanta est exultatio ut exultet & ipsa crux, nec læti quicquam habeat, sed*
*chaiae scri-*totum lætitiae sit?* Aut quis dicat minus contra consuetudinem, supra ra-*
pta. Extat *tionem, ultra naturam crucifixum exultare quam crucem?* Illi sensum
apud Su- *lætitiae natura negavit, huic si quid prævalet, gaudium omne exterminat, ingeritque dolorem.* *Amator*, ait, *tuus semperfui, & desideravi am-*
rium, *plecti te.* Fratres, ignis vibrans est, non lingua loquens: & si lingua, cer-
te ignea est. Carbones sunt ignis illius quem de excelso Christus miserat
in ossibus meis. Atque utinam desolatorii nobis sint, consumentes &
exurentes quicquid in nobis est carnalis affectionis. Quales enim scintillæ
sunt istæ, aut à quanto interiori incendio micant?

Fides B. An- *Planè beate Andrea, granum sinapis est fides tua, quæ tam inspera-*
drea instar *tum ubi teri cœpit, cœpit ex se proferre fervorem.* Quid si paulò amplius
grani sinapis *tereretur?* Quis fervorem illum animus, quis verba illa sustinere posset
quo magis te- *auditus?* Dum enim minus minaretur Aegeas, adhuc granum sinapis de-
ritur, quo ma- *spicabile videbatur.* Integrum erat, nesciebamus quid intus lateret. *Do-*
gis suam excé- *dit nimis, inquit, me misit ad iſam provinciam, in qua non parvum ei populum*
rimoniam. *acquisivi.* Accedit comminationis pistillum, longe jam acerius sapiet, con-
stantiusque loquetur. Terendum eum putat Aegeas crucis supplicium
minus, inquit, *minitans, sed non est ita.* Accedit magis in verbo hoc, & libere cla-
mat: *Ego si patibulum crucis expavescerem, crucis gloriam non prædicarem.*

Non terretur *At ubi paratum sibi lignum intuitus est, ex hoc jam plane totus ignescens*
minus aut sup- *applaudebat, & blandiebatur illi amatæ suæ, officiosissime salutabat, de-*
pliciū. *devotissime suscipiebat, magnificè attollebat eam: & in ipsius præconio*
gloriabatur, clamans magis affectione quam voce: *Salve crux preciosa,*

Crucem cupi- *que decorem & pulchritudinem de membris Dominicis accepisti: Salve crux*
desimè salu- *que in corpore Christi dedicata es, & ex membris eius tanquam margaritis or-*
etas. *nata.* Merito proinde crucis amatorem venerantur quicunque sunt servi
crucis, sed ab his ampliorem jure devotionem exigit qui specialius pro-
posuerunt tollere crucem suam. Vobis hoc & de vobis dico, Fratres mei,

Luc, 14. f *qui non surda aure audistis illam evangelicam tubam: Qui non baiulat*
Sic & nos cru- *crucem suam & sequitur me, non potest meus esse discipulus.* Parati estote,
cem amemus, *totam animi diligentiam huic adhibere solennitati, & corde magno cele-*
brare

brate eam: quia magnus omnino consolationis pariter & exhortationis
thesaurus vobis repositus est in ea, si fuerit qui fodiat & scrutetur.

IN FESTO S. ANDREÆ APOSTOLI,
SERMO I.

Celebrantes hodie gloriosum beati Andreæ triumphum, in verbis gratiæ, quæ procedebant de ore eius, exultavimus & delectati sumus. Neque enim locus poterat esse tristitia, ubi tam vehementer lætabatur & ipse. Nemo ex nobis compassus est sic patienti: nemo ausus est plangere exultantem. Alioquin & nobis ipse non incongruè dicere poterat quod Salvator crucem baiulans sequentibus se & lugentibus ait ^a: *Filiae Hierusalem nolite flere super me, sed super vos ipsas flete.* Denique cum duceretur ipse beatus Andreas ad crucem: populus qui sanctum & justum dolebat injuste damnari, prohibere voluit ne puniretur: sed magis ipsa instantissima prece prohibuit eos, ne non coronaretur, immo ne non pateretur. Desiderabat siquidem dissolvi, & cum CHRISTO esse, sed in cruce quam semper amaverat. Desiderabat regnum intrare, sed per patibulum. Quid enim dicit illi amatæ suæ? *Perte, inquit, me recipiet, qui per te me redemit.* Ergo si diligimus eum, congaudemus ei, non solum quia coronatus, sed & quia crucifixus: quia desiderium animæ eius tribuit ei Dominus, & posuit in capite eius coronam de lapide precioso. Veruntamen dum congratulamur ei quod diu desiderata crucis fruimereatur amplexu, mirum valde est si non ipsum eius miramur gaudium cui congratulamur. Dum enim noctis huius vigilias celebrantes, in verbis tantæ exultationis cantando delectaremur, putas non fuit in nobis, qui secum cogitaret & diceret: quid sibi vult hoc, aut unde tam nova lætitia?

Certe & crux preciosa est, & crux amari potest, & crux habet exultationem? Ita est, fratres mei. Si fuerit qui colligat, semper lignum crucis vitam germinat, fructificat judicantem, oleum lætitiae stillat, balsamum sudat spiritualium charismatum. Non est sylvestris arbor; lignum vitae est apprehendentibus eam. Arbor fructifera, arbor salutifera est: alioquin quomodo dominicam occuparet terram? Illam dico preciosissimam glebam, cui clavorum est infixa radicibus. Si non esset haec preciosior cunctis, fructuosa universis, nunquam illo plantaretur in horto, nec illam permitteretur vineam occupare. Deinde quid mirum si cruci suavitatem dedit, qui dedit & igni? Aut quomodo crux judicatur insipida, ubi dulce sapit & flamma? Quid enim sapiebat Laurentio ignis cum ir-

*Crux preiosa,
amabilis, &
jucunda.*

Sermones S. Bernardi.

M m m

rideret